



Hatyang kü shongpü nyih dhom mü lomi Jisulei nanglomthü hanei mahngchong leipü yaong ngowdaitü ee. Jomphong mongei veishing kü Jisu halei nenyu.

19




Nyüha hük mahngchong touei thepei nyu. Jisu pinyü touei vam! Pinyüi mongongshi lebü nanglomthü kü, "JISU YANGEI LEITEKE! JISU DIPÜ KÜBÜ YANGEI LEITEKE" shei ehen mokei leiteke.

20

Jisu jomphong touei met shei vamei büpalei lak kübü kojäl kaw huteke. Hapayü hingmei. JISU YANGEI LEITEKE! Peter-i bupa nelahpü nangkü bupai mang tükshuoh hatü büpalei nanglomthü kü bupa jung baonghen eshuohteke. Shongpü Christmas kü bupa meleipü yüi, hapa shing vangsholei nyokei aongdai.

21

Shongpü Yangei Leipü
Kahvangei Shah Laihing leipü büshah
Dangnyeih
Mathi 26-28, Luk 22-24, Johan 13-21
"Nüngei Shah shühahpai vangngai shuohnyeih."
Menvih Kesho 119:130



Shongpü Yangei Leipü

Jeni dao nemeipü dükteke shei Kahvangi nyingei nyüke. Mang shing hanghiyü dipü nyüke.

Phom

Kahvangi jen kü longi bampü nangkü bupai laophülei Ha Jisu shophang kü diyei nüngei hang shemhen shompeih. Jisu yangei leiyei vangsholei aongdai. Shaang Kahvangi jenei mang tükphahen.

Nüngei nüngei mang kübü mong lepei leihüjema, Kahvang kü ha etuh: Bambü Kahvang, Jisu ngei shing dipeih shei ngei nying hatü shaang yangei leiteke. Ngelei mongei shükei hatü ngelei mang tükshih, shejüang shaang ngei yangnyu ja danghen hatü nungmü den kü nyuhen. Nüngei ha leshi nung shing nyuhen ngei kü sheühshihma. Amen. Johan 3:16

Laihing ietuh, nyihjeih Kahvang mü eteituh.

Nyangbü Edward Hughes
Lajei lingbü Janie Forest


Lepbü Master Clement Bujem
Sheteiphenei lingbü Lyn Doerksen

Büshah 60 kübü 54

M1914.org


Bible for Children, PO Box 3, Winnipeg MB R3C 2G1 Canada

Nüngei neyuphei keyü hapa lai lingei nevaijü ngümei ngaihen aok.




Hapa nyüha moppücheüpü kahshang lemei yaongshi hapa nyembenüing daoten kü pinyüi mongmangei veishi nyuteke. Pinyülei hapeü-ü sheyü didaihen nyu. Hapa nyü-ü Mary nyu, hatü Jisu shophang kü appü shing yopai lei yaongshi nyu.

1




Hathü mekei vampa? Hajük meipü yangnyu nyemao nyemshi mekei Jisulei yangnyu hapakei dohpa? Kahvangi laophülei Ha halei shophang kü apei dihen mü mekei hanpa? Jisu bupa üpashang lemhük pungpü je? Kahvang aokpü nedangpü je?

2



Nevai! Kahvangi aokpü nedangpü nevai. Jisui meheyao pungei nedük. Nemeipüthüi büpa jütükhen khiih shei düngei Jisui ha nyingei nyuhampeih. Mechem Jisu hashih hepak nyupa, Simeon shei menpü pajei huki Mary kü shelei shanghah nyüke shei eshuohteke.

3




Jisu dihen nyih maani shekü nyüha hük peiyei büpalei la kü vongmei meli cheishuohteke. Büpalei nanglomthüi, "Lop longi damnyüke" shei eteke. Jisui e, "Pinyüi dao meipü düknyüke. Pinyüi ngei mahng vühen shingvaishi düknyu khiih" shei eteke. Mekeipü thamapü shahthü epa!

4




Haphei kü Jisulei nanglom anpünyi khongkü hük Judas-i ngongpathü kü Jisu lop hapüan kü yutükhen shah shetei mongteiteke.

5



Jihoda amei Hompü mo kü Jisui büpalei nanglomthü mü dohpü mo hahteke. Büpai jomphong kü Kahvangei thamapü daothü jung hatü büpa kü bampüthü kü lahpü jung eshuohteke. Hapheikü Jisui jomphong kü aan hatü yungshong jomphongi hahyinghen shingvaishi shuoh. Hapai Jisulei phai hatü iy homei mang tükpü danghen shei hupü longpü nyuteke.

6




Hapheikü Jisui büpalei küphüthü e büpa luhahhen hatü jomphong nyaidaihen shei e. Peter-i, "Ngei nyaiyei nedaipih" shei lah-ei e. "Ou kashekü nüngi ngei jempa thahshi nelah-aokpih" shei Jisui eteke.

7



Ha ya Jisu Gethseman pemongeip phopnüng heih. Büpa mü nyupü nanglomthü peü shidai. "Oh Oba, hapa shanghah yungshong ngei kübü yahlangshih. Shejao hayü ngei mong nevai, nüngi mongpü vaituh" shei phop.

8



Ngangahük kü Judas-i mütü khongnyü longpü hük pemongeip pei. Jisui hathü kü nekhangtei, shejao Peter-i shennyak hükei dhaong lüktük. Met shei Jisui hapa shennyakei dhaong kü düktü meihütük. Büpa yeppeyü Kahvangi mongpü hük khiih shei Jisui nying.

9



Khongi Jisu ngongchongei shemei müei dei. Halei Jehoda am mübüthüi Jisu jühen vongbong shei e. Shaang Peter aw jakpü yopalei yaongshi veiyei nyu. Shennyakthüi Peter kü veitü jempa thahshi "Nüngao Jisu mü nyuhampeih" shei e. Jisui epükei jempa thahshi Peter-i nevaiyip shei e. Peter-i thauväi hatü lah-ei eteke.


10



KUKULI UK

Haphei kü müshi ou kateke. Hayü Peter shing Kahvangei ngei kei shiüteke. Jisui epü deih-ei dangtü Peter shahyaki thep.

11




Judas longi mongshangei dei. Jisui meheyao nepung nevaijü mang neshüi shei nying. Judas-i lop 30 nyokei shuoh, shejao ngongpathüi ha neyah. Judas-i lop shükphongtü daiyei büpa nying bakla kü bheanei di.

12




Ngongpathüi Jisu Rom am Pilate onga touei müei dei. "Ngei hapa shennyaki pungpü meheyao nedangang" shei e. Shejao khongi büpa "Shongphang kü aptuh, Büpa shophang kü aptuh" shei nedoh-i len.

13




Shomshi Pilate-i mongteke hatü Jisu shophang kü aphen lanei shuoh. Veshanthüi Jisu kü shühteke, yu-opi büpalei dhe kü shaoteke, hatü bheiteke. Jomi hüh lushi nyupü hühthang yah-ei athen lingtü büpalei shangjing kü thenshuoh. Jomi büpa shophang pü kü apei jü.

14



Büpa hapakei dihen khiih shei Jisui düngei nyingei nyu. Büpa kü dipü homei üami büpa kü hinglem hathüi mang tükpü danghen khiih shei büpai nying. Shennyak ten nyi Jisu mü shophang kü ap. Hükpa Jisu kü hinglem hatü vangsholei aongdai. Hükpapa ne-aong.

15



Ghonda longi hanghi pheikü Jisui, "Ha temteke" shei etü didai. Büpalei dao temteke. Büpalei küphüthüi büpa mahngchong ja hük kü vüphong.

16



Haphei kü Rom am veshanthüi mahngchong kü füoshang shingtü yomei nyu. Halei üpayao nepeiaokhen nevaijü nedaiaokhen mü nyu.

17



Jisu mangh mü nenyu.

18